



Донорлик – шарафли ёрдам, мислсиз савоб, хайрли тадбир. Баъзида кимдир учун бир томчи кон ҳаётни англади. Фавқуллодда жароҳат олган инсонлар, баъзида эса кўп кон йўқотиши натижасида жажжи болажонларнинг ҳаёти қил устида бўлиб қолади. Бундай беморларни малакали мутахассислар даволаш баробарида донорларнинг беминнат ёрдамларига ҳам таянадилар.

Мана шундай эзгу амалларни ўзига дастуриламал деб билган “Адолат” СДП Сиёсий Кенгаши Марказий аппарати, мана 4 йилдирки, “Бор меҳримиз сенга, болажон!” шиори остида республика бўйлаб беғараз донорлик акциясини ўтказиб келмоқда.

БОР МЕҲРИМИЗ СЕНГА, БОЛАЖОН!

Хайрия акцияси давом этмоқда



Партия ташаббуси билан ҳар йили анъанавий равишда 1 июнь – Халқаро болаларни ҳимоя қилиш куни ва 3 декабр – Халқаро ногиронларни ҳимоя қилиш

қунида ўтказиладиган хайрия акцияси тиббий-ижтимоий ёрдамга муҳтож болаларни қўллаб-қувватлаш, бемор болалар ҳаётини сақлаб қолиш, шунингдек, жамиятда инсонпарварлик ва меҳр-оқибат ғояларини тарғиб қилишга қаратилган.

Ўтган давр мобайнида партия томонидан ташкил этилган донорлик акциялари доирасида республика миқёсида жами 6156 нафар донор иштирок этиб, 2 минг 154 литр, 600 грамм қон йиғилди ва йиғилган қонлар 12 минг 312 нафар қонга муҳтож болажонлар ҳаётини сақлаб қолиш учун ишлатилди.

Партиянинг навбатдаги хайрия донорлик акцияси Республика қон қуйиш марказида, шунингдек, Республика ихтисослаштирилган Гематология илмий-амалий марказида ташкил этилди.

Фракция йиғилиши



Қурилиш ишларида кўп миқдорда камомад ва ўзлаштириш ҳолатлари аниқланган

Олий Мажлис Қонунчилик палатасидаги “Адолат” СДП фракциясининг навбатдаги йиғилиши бўлиб ўтди.

Унда фракция аъзолари Ўзбекистон Республикаси Давлат бюджетининг ва давлат мақсадли жамғармалари бюджетларининг 2021 йилдаги ҳамда 2022 йилнинг биринчи чорагидаги ижроси тўғрисидаги ҳисоботни кўриб чиқдилар.

Йиғилишда Вазирлар Маҳкамаси масъул ходимлари, Молия вазирлиги, Иқтисодий ривожлантириш ва камбағалликни қисқартириш вазирлиги ва бошқа вазирлик, давлат қўмиталари ва идоралар раҳбарлари иштирок этишди.

Ҳисоботда таъкидланганидек, глобал миқёсда давом этаётган пандемия ҳамда иқтисодий вазият билан боғлиқ муаммолар сақланиб турган шароитда Ўзбекистон иқтисодиёти ўз вақтида мувофиқлаштирилган фискал ва монетар сиёсат туфайли 2021 йил якунлари бўйича ўтган йилга нисбатан 7,4 фоизга ўсиши кузатилган. ЯИМ ҳажми 734,6 трлн сўмни ёки 69,2 млрд. долларни ташкил этган. Бунда қишлоқ хўжалиги ЯИМнинг 25,0 фоизини, хизматлар 35,7 фоизини, саноат 25,8 фоизини, қурилиш 6,2 фоизини ва экспорт-импорт маҳсулотларига соф солиқлар 7,2 фоизини ташкил этган.

Ўзбекистон иқтисодиёти юқори ўсиш суръатларини қайд этмоқда. Бунда саноат хизматлари ва қурилиш соҳаси иқтисодий ўсишнинг драйверлари бў-

либ хизмат қилди. Хусусан, саноат 9,2 фоизга, хизматлар 8,7 фоизга, қурилиш 6,8 фоизга ҳамда қишлоқ, ўрмон ва балиқ хўжалиги 4,0 фоизга ўсиши таъминланганлиги таъкидланди.

Шунингдек, фракция йиғилишида Ўзбекистон Республикаси Давлат бюджетининг ва давлат мақсадли жамғармалари бюджетларининг 2022 йил биринчи чораги ижроси тўғрисидаги ҳисоботи ҳам депутатлар томонидан муҳокама қилинди.

Таъкидланганидек, 2022 йилнинг январь-март ойларида республикамиз иқтисодиёти 2021 йилнинг мос даврига нисбатан 5,8 фоизга ўсган бўлиб (2021 йилнинг 1-чорагида 3,0 фоиз), япни ички маҳсулот ҳажми 162,8 трлн. сўмни ёки 14,8 млрд. долларни ташкил этган.

Бунда қишлоқ хўжалиги ЯИМнинг 13,2 фоизини, хизматлар 47,3 фоизини, саноат 32,5 фоизини, қурилиш 7,0 фоизини ва экспорт-импорт маҳсулотларига соф солиқлар 9,5 фоизини ташкил этганлиги қайд этилди. Шунингдек, 2022 йил I чорагида ЯИМ таркибиди хизматларнинг

Юзма-юз мулоқот

МУАММОЛАР ҲАЛ ЭТИЛМОҚДА

Мамлакатимизда амалга оширилаётган кенг қўламли ислохотларнинг мазмун-моҳияти ва аҳамияти ҳақида фуқароларни ҳабардор қилиш, қабул қилинаётган қонунларни тарғиб этиш ҳамда аҳолининг қайфиятини кўтариш, уларда ислохотларга дахлдорлик туйғусини мустаҳкамлаш мақсадида Олий Мажлис Қонунчилик палатаси депутатлари ҳудудларда ўрганишлар олиб боришяпти.

Сайловчилар билан учрашуларда мамлакатимизда конституциявий ислохотларни амалга ошириш билан боғлиқ ишлар мазмун-моҳияти ва аҳамияти кенг жамоатчиликка етказилмоқда. Айни пайтда Конституцияга ўзгартиришлар ва қўшимчалар кири-

тишга қаратилган таклифлар эшитилиб, улар Конституциявий комиссияга кўриб чиқиш учун киритилаяпти. Шунингдек, депутатлар томонидан ҳудудларда ўтказилган фуқаролар йиғинлари раислари (оксоколлари) сайловларининг бориш жараёни билан танишиш ҳамда сайловни ўтказишга қўмаклашувчи комиссиялар фаолиятига қўмаклашиш, жойларда давлат хизматлари кўрсатиш марказлари, янги иш ўринлари яратиш, соғлиқни сақлаш бошқармалари ва туман, шаҳар тиббиёт бирлашмалари раҳбарларининг халқ депутатлари вилоят, туман, шаҳар Кенгашлари сессияларида ҳисоботларининг эшитилиши каби масалалар ўрганилди.

Ҳаракат хавфсизлиги ойлиги



Жорий йилнинг 1 июнидан 1 июлига қадар пойтахтимизда “Ҳаракат хавфсизлиги ойлиги” тадбири ўтказилмоқда. Фуқароларимиздан ушбу тадбирда фаол иштирок этишларини сўраб қоламиз.

Тошкент шаҳар ИИББ ЙҲХБ


АДОЛАТГА ОДДИЙГИНА БИР СЎЗ СИФАТИДА ЭМАС,

ВИЖДОН МАСЪУЛИЯТИ СИФАТИДА ЁНДОШИШ КЕРАК

Илм- маърифатга бешик бўлган юрт

ЎҚИТУВЧИНИ ҚАЧОНГАЧА АЙБЛАЙМИЗ?

Устозлар ўқувчиларни ўқитсинми, тарбияласинми ёки кўчага чиқиб назорат қилсинми?!



Бугуннинг гапи

ЎҚИТУВЧИНИ ҚАЧОНГАЧА АЙБЛАЙМИЗ?

Устозлар ўқувчиларни ўқитсинми, тарбияласинми ёки кўчага чиқиб назорат қилсинми?!

Мактабларда бўлиб ўтадиган сўнгги кўнгирак куни халқ таълими тизими, маҳалла фаоллари, ҳуқуқни ҳимоя қилиш идоралари, жамоатчиликнинг бутун диққат-эътибори ўқувчи йигит-қизларга қаратилган бўлади. Ҳамма сергак, ҳамма хушёр!

Бирок, орадан маълум бир муддат ўтгандан сўнг, кўз ости кўкарган, пешонаси гурра бўлган, бурни қонаган болаларга кўзингиз тушади, сабабини сураб-суриштирсангиз, мужмал жавобларни эшитасиз. Кўнглингиз хижил тортади. Ишқилиб, шу кўннинг охири бахайр бўлсин, дейсиз ичингизда. Лекин ўчакишгандай мобил тармоқлари жонланиб, «Дахшат!» рўқни остида «Фалон мактабнинг фалон синфи ўқувчиси отасининг машинасини сўроқсиз бошқариб, фалон мактаб ўқувчисининг ҳаётига зомин бўлди», «Фалон мактаб ўқитувчиси фалон синф ўқувчисини уриб, кўлини синдириб қўйди», «Фалон мактабнинг фалон ўқувчилари устозларини қалтаклашди», «Фалон мактабнинг фалон ўқувчиси устози юзига сув сеппиб юборди...» каби бир-биридан хунук хабарлар тарқала бошлайди. Зум ўтмай, ранг-қўти учган ота ёки она мактаб остонасида даргазаб ҳолда пайдо бўлиб, директорга ёки ўқитувчига дағдаға қила бошлайди. Юқори поғонада турганлар: «Сенинг кўзинг қаерда эди? Назоратни қучайтирмагансан, бепарво бўлгансан!» деган иддаолар билан мактаб жамоасини, ҳуқуқни ҳимоя қилувчи идора вакилини, маҳалла ва ҳокимиятнинг жавобгар шахсларини айблаб, уларга нисбатан жазо, жарима чораларини қўллашга тушади, баъзилари ҳаттоки ишдан айрилади. Кўнглихирлик, диққатбозликлар бошланади. Асаблар зўриқади. Тарқатилган хабарларга нисбатан кимлардир салбий ва кимлардир, ҳатто, ижобий фикрларини ҳам билдира бошлайди. Ҳўш, бундай кўнглисиз воқеаларнинг келиб чиқишининг асл айбдори ким? **Нима учун айнан усмир йигит-қизларимиз ҳаддиларини билмаяптилар? Нима учун ота-оналар ҳамма ёмонликнинг сабабини бировлардан қидиришади? Ахир ҳар ким ўз фарзанди учун жавобгар эмасми? Расмий маълумотларга қараганда, айнан мактабларда битирув кечаси ўтказилган куни мамлакат бўйича 47 та ҳолатда вояга етмаганлар томонидан транспорт воситалари бошқарилганлиги аниқланган. Булар қўлга тушганлари. Тушмаганлари қанча? Суриштирувлардан сўнг болаларга машина бошқаришга рухсат берган шахс «меҳрибон» онаси ёки «ҳотамтой» акаси бўлиб чиқди. Лекин айбдорлар бир четда қолиб, мактаб жамоаси муҳокама қилинди. Бировнинг боласини ўз боласидан азиз кўриб таълим, тарбия беришга жидду жаҳд қилган устозда нима гуноҳ? Устоз болаларни ўқитсинми, тарбияласинми ёки кўчага чиқиб назорат қилсинми?**

Маориф соҳасидаги энг оғриқли нуқталардан бири тарбия бўлиб қолди, – дейди Косонсой туман халқ таълими бўлимига қарашли 42-умумий ўрта таълим мактабининг маънавий-маърифий ишлар бўйича директор ўринбосари Соҳибжон Умрзоқов. – **Айрим ота-оналар фарзандлари тарбиясига, билим олишига, ҳунар эгаллашига мутлақо бепарқ бўлиб қолган. Бирор марта болам мактабда қандай ўқияпти, интизомни қандай, деб келмаган ота ёки она бир қор-қол юз берса, мактабга бостириб келиб, фарзандининг олдида устозни ҳақорат қилади. Бу ҳолдан устоз ранжимади, деб ўйлайсизми? Албатта, ранжийди. Шу ўринда устозга дахлдор бир ҳикояга тўхталамиз: Улуғбек Мирзо бобосининг тиззасида яйраб ўтирган чоғида саройёа бир киши ташриф буюради. Уни кўрган заҳоти бобоси ўрнидан даст туриб, ўша кишининг ҳузурига ошиқади. Улуғбек Мирзо ерга йиқилади. Маълум бўлишича, бобоси қарши олган шахс унинг устози, пири бўлган экан. Устозга буюк шоҳ ва султонлар эҳтиром кўрсатган бўлса-ю, бугуннинг оддий фуқаролари уларни назар-писанд қилмас, бу қандоқ замон бўлди?!**

Аёнки, ҳар бир шахс ўзининг ижобий хислатини ёки салбий иллатини фарзандининг хулқ-одобига қўради. Бетартиблик, бетгаҷопарлик, ахлоқсизлик ва уришқоқлик иллати юқумли «касаллик» эмас, ирсий касалликдир. Шундай экан, аввало, бундай «касаллик» аломатлари кўринган болаларнинг ота-оналари устида «даволаш»-профилактика муолажаларини олиб бориш керакка ўхшайди.

Халқимизнинг атоқли ёзувчиси Ўткир Ҳошимов «Дафтар ҳошиясидаги битиклар»ида фарзандларига шундай ўғитларни ёзиб қолдирган экан: «Учрашувларда бир саволни кўп беришди: «Ўзингиз учун энг қимматли асар қайси?» Кўпинча ярим ҳазил, ярим чин қилиб жавоб қиламан: «Менинг энг қимматли икита «асарим» бор: бири – ўғлим, бири – қизим!» Сенлар менга Худо берган энг бебаҳо бойликсан... Шу боис, диққат билан эшит!

Бир нарсани орзу қиламан. Бу дунёда мен қилган яхши ишлардан битта кўпроқ яхшилик қилсанг... Бу дунёда мен қилган хатолардан ақалли битта камроқ хато қилсанг...»

Ўткир Ҳошимовнинг бу ўғитларидан ҳар бир киши ўзига тегишли хулоса чиқариб олиши керак бўлади.

Ҳар бир мукамалликда бир қусур бор деганларидек, ҳар биримизда, гарчи ўзимизни шайтондан йироқ, фариштага яқин ҳисобласак ҳам, бир қусуримиз бор, албатта. Бўлиб ўтаётган кўнглисизликларнинг сабабчиси ўзимиз, бегона эмас. Ким бўлишимиздан қатъи назар, фарзандларимизни тийиб олишимиз, тартибга қақришимиз, одамларни, қонунларни ҳурмат қилишга ўргатишимиз даркор.

Мухиддин ОМАД,
Ўзбекистон Журналистлари ижодий уюشمаси аъзоси

Ҳикмат

Ҳар ким экканини ўради

Қадим замонда бир одам уйланди. Биринчи куни онаси ва хотини билан дастурхон атрофида ўтириб, янги келинчақ бўлгани учун аёлига таомнинг катта қисмини алоҳида эътибор, мулозамат билан узатди. Арзимаган бир қисмини эса ўта безътиборлик билан онасининг олдига “так” этказиб қўйди.

Хотин донишманд аёл эди. Бу ҳолатни кўргач, “Ҳозирок мени талок қиласиз”, деб туриб олди. Эр сабабини сўраганида эса: – Қон тортади, сиздан бола кўриб, шу она каби хор бўлишни истамайман, – деб жавоб берди аёл.


Минг афеуски, айрим аёллар эри тарафидан кайнонасида кўра кўпроқ иззат кўрсалар, ўзларича голиблик нашъасини сурадилар. Билмайдиларки, ҳар ким экканини ўради. Емокнинг қусмоғи ҳам бор.

Алкисса, аёл талоғини олиб, эридан ажрашди. Вақт ўтиб Аллоҳ унга бошқа бир яхши эрни насиб этди. Йиллар ўтди, бола-чакали бўлди.

Аёл бир куни туя устидаги кажава ичида борарди. Болалари атрофида парвона бўлиб, хизматига шай турардилар. Йўлда бир карвонга дуч келдилар. Карвон ортида абгор ахволдаги ёши катта бир киши ялангоёқ пиёда борарди. Унга ҳеч ким эътибор бермас эди. Аёл болаларига: “Мени ўша одамнинг олдига олиб боринглар”, деди. Олиб боришгач, ҳалиги одамга деди: – Мени танидингизми? Мен сизнинг собиқ хотинингиз бўлман. Сизга қон тортади, ҳар ким экканини ўради, демаганмидим? Кўряпсизми, болаларим мени қандай иззат-ҳурмат билан олиб юришибди. Энди ўзингизнинг ахволингизга бир қаранг. Бунинг сабабини биласизми? Сиз онангизни хорлаган эдингиз. Мана энди жазойингизни оляпсиз.

Шундан сўнг аёл болаларига қараб деди: – Аллоҳ учун унга эътибор бериб қўйинглар!

Ҳар бир эркак ва аёл унутмасинларки, қон тортади ва ҳар ким экканини ўради.



Иборат

ДЕНГИЗ БЎЛ!

Бир бола денгиз бўйида оёқ кийимини тушириб юбориб топа олмади. У соҳилдаги қумга "Бу денгиз – ўғри", деб ёзиб қўйди.

Бир балиқчи ўша денгизга тўр ташлаб, анчагина балиқ тутди. У қумликка "Бу денгиз – сахий", деб ёзиб қўйди.

Бир ёш йигит шу денгизда чўкиб кетди. Онаси соҳилга "Бу денгиз – қотил" деб ёзиб қўйди.

Бир кекса одам айнан шу денгиздан қимматбаҳо дур топиб олди. У "Бу денгиз – олийжаноб", деб ёзиб қўйди.

Охири қирғоққа баланд тўлқин келиб урилган эди, барча ёзувлар ўчиб кетди.

Шунда денгиздан нидо чиқди: "Денгиз бўлишни истасанг, одамларнинг гапига эътибор берма".

Бош муҳаррир: Ислам ҲАМРОЕВ

Таҳрир хайъати:

Баҳром АБДУҲАЛИМОВ
Наримон УМАРОВ
Мухаммад АЛИ
Гавҳар АЛИМОВА
Мухаррам ДАДАХОДЖАЕВА
Қодир ЖЎРАЕВ

Зухра ИБРАГИМОВА
Тошпўлат МАТИБАЕВ
Тальят МУРОДОВ
Абдуқамол РАҲМОНОВ
Умиджон СҲАЙМОНОВ
Собир ТУРСУНОВ
Шухрат ЯКУБОВ

Бўлимлар:

Партия турмуши ва парламент фаолияти бўлими — 71 288-46-54 (149);
Ахборот, ҳуқуқ ва хатлар бўлими — 71 288-42-14 (144);
Котибият — 71 288-42-12 (132);
Кабулхона — 71 288-42-12 (141) факс;
Реклама бўлими — 71 288-42-14 (132); 90 900-72-15

Масъул котиб — Абдугани Содиқов
Навбатчи муҳаррир — Саодат Раҳимова

1995 йил 22 февралдан чиқиб бошлаган

Газета Ўзбекистон Матбуот ва ахборот агентлиги томонидан 0018 рақами билан 2006 йил 6 декабрда рўйхатга олинган. Қоғоз бичими А-2. Ҳажми — 3 боёма табоқ. Офсет усулида босилган. Буюртма Г — 600

НАШР КЎРСАТКИЧИ: 100

Адади — 1448
Босишга тоширилган вақти — 21.00
Босишга келишилган нархда
Таҳририятга келган қўлзмалар тақрир қилинмайди ва муаллифга қайтарилмайди.
Реклама материаллари учун таҳририят жавобгар эмас.
Газетанинг етказиб берилиши учун обунани расмийлаштирган ташкилот жавобгар.

«Шарқ» НМАК босмахонасида чоп этилди.
Қорхона манзили: Тошкент шаҳри Буюк Турон кўчаси, 41-уй.

Таҳририят манзили: 100043, Тошкент шаҳри, Чилонзор тумани «Шарқ тонги» кўчаси, 23-уй.
1 2 3 4 5 6